

Y Bwrdd Rheoli Management Board

**Cofnodion y cyfarfod a gynhaliwyd ar 9 Mai 2013
9.00-10.30, Ystafell Gynadledda 4B**

Yn bresennol:

**Claire Clancy (Prif Weithredwr a Chlerc) (Cadeirydd)
Adrian Crompton (Cyfarwyddwr Busnes y Cynulliad)
Non Gwilym (Pennaeth Cyfathrebu)
Steven O'Donoghue (Pennaeth Adnoddau'r Cynulliad)
Elisabeth Jones (Cyfarwyddwr Gwasanaethau Cyfreithiol)
Mike Snook (Pennaeth Ystadau a Chyswllt Cyntaf)
Craig Stephenson (Pennaeth y Gwasanaeth Cymorth i'r Comisiwn
ac i'r Aelodau)
Anna Daniel (Pennaeth Ysgrifenyddiaeth y Siambr)
Virginia Hawkins (Pennaeth Pwyllgorau'r Cynulliad)
Mair Parry-Jones (Pennaeth y Gwasanaeth Cyfieithu a Chofnodi)
Kathryn Potter (Pennaeth y Gwasanaeth Ymchwil)
Dave Tosh (Cyfarwyddwr TGCh)
Liz Jardine (Ysgrifenyddiaeth)**

1.0 Cyflwyniadau ac ymddiheuriadau

- 1.1 Croesawyd Nicola Callow (Pennaeth Cyllid), a oedd yn bresennol er mwyn cyflwyno strategaeth ddrafft y gyllideb a'r adroddiad ariannol drafft.**
- 1.2 Cafwyd ymddiheuriadau gan Siân Wilkins (Pennaeth Deddfwriaeth). Ymunodd Claire Clancy a Dave Tosh â'r cyfarfod yn ystod y sesiwn ar y wybodaeth ddiweddaraf am y Bwrdd Buddsoddi.**
- 1.3 Ni chafwyd unrhyw ddatganiadau o fuddiant.**

2.0 Cyfathrebu â staff

- 2.1 Cytunodd Virginia Hawkins i ddrafftio nodyn ar drafodaethau'r Bwrdd Rheoli ar gyfer y dudalen newyddion. Cytunwyd hefyd y byddai Elisabeth Jones yn drafftio'r nodyn ar ôl cyfarfod nesaf y Bwrdd Rheoli.**

3.0 Cofnodion y cyfarfodydd a gynhaliwyd ar 15 Ebrill 2013

3.1 Cytunwyd bod y cofnodion yn gofnod cywir. Rhoddwyd y wybodaeth ddiweddaraf am y camau i'w cymryd: cyfarfu'r grŵp arolwg staff ar 8 Mai a chyhoeddir cyfathrebiad i staff yn fuan; roedd gwaith yn mynd rhagddo ar ddatblygu'r strategaeth iechyd a lles; cynhaliwyd sesiwn taflu syniadau ar 9 Mai i'w defnyddio yn y portffolio Buddsoddwyr mewn Pobl yn barod ar gyfer yr asesiad. Byddai'r awgrymiadau a roddwyd yn y cyfarfod i'r staff i gyd ar y ffyrdd gorau o gyfathrebu yn cael eu cynnwys mewn nodyn i staff.

4.0 Strategaeth Cyllideb Ddrafft 2014-15

4.1 Cyflwynodd Nicola Callow y strategaeth cyllideb ddrafft a fyddai'n cael ei chyflwyno i'r Comisiwn ar 16 Mai, a diolchodd aelodau'r Bwrdd am eu cyfraniad wrth baratoi'r strategaeth.

4.2 2014-15 yw trydedd flwyddyn strategaeth a chynllun buddsoddi tair blynedd y Comisiwn. Mae'r ffigurau yn parhau i fod yn gyson â'r rhagolygon dangosol y gwnaeth y Pwyllgor Cyllid graffu arnynt ac a gyhoeddwyd yn y cyllidebau a gymeradwywyd yn ystod y ddwy flynedd flaenorol.

4.3 Mae'r strategaeth yn nodi'r tybiaethau a ddefnyddiwyd i benderfynu ar y gyllideb. Unwaith y byddai'r rhain wedi'u hadolygu a'u cadarnhau gan y Comisiwn, byddai'r ddogfen gyllideb yn cael ei drafftio. Byddai'r ddogfen ar gael i'w hadolygu ar ddechrau mis Mehefin, a chaiff ei chyflwyno i'r Comisiwn yn ystod mis Gorffennaf. Fel y cytunwyd yn flaenorol, byddai'n ystyried argymhellion y Pwyllgor Cyllid ar lefelau cyllideb ar gyfer 2015-16 a 2016-17. Byddai'r cyllidebau ar gyfer y blynyddoedd hyn yn adlewyrchu'r rhai a welir ym mloc Cymru yn gyffredinol.

4.4 Cam i'w gymryd: Byddai Nicola Callow yn diwygio'r strategaeth ddrafft i gynnwys argymhellion a wnaed gan y Bwrdd Rheoli.

5.0 Y wybodaeth ddiweddaraf am y Bwrdd Buddsoddi

- 5.1 Adolygodd y Bwrdd Buddsoddi y gofrestr o gontractwyr yn y cyfarfod diwethaf ac ystyriodd beth fyddai angen ei wneud cyn dechrau'r broses o adnewyddu contractau.
- 5.2 Gyda'r gyllideb fuddsoddi ragamcanol ar gyfer y blynyddoedd i ddod yn lleihau, roedd y Bwrdd wedi gofyn i ddeiliad prosiectau baratoi gwybodaeth am ba mor barod ydynt i gynllunio a blaenoriaethu yn effeithiol. Roedd gofynion ariannu trydydd cam prosiect Adnewyddu'r Senedd wrthi'n cael eu cadarnhau, ac roedd y rhagolwg yn erbyn y gyllideb gymeradwy ar gyfer prosiect gwasanaethau TGCh yn y dyfodol yn mynd rhagddo.
- 5.3 Nododd y Bwrdd Rheoli fod gwneud y gorau o gyfraniad effeithlonrwydd Gwerth am Arian i'r gyllideb sydd ar gael ar gyfer buddsoddi yn hanfodol.
- 5.4 Dywedwyd wrth y Bwrdd Rheoli fod y Comisiwn wedi cytuno ar gynigion yn ei gyfarfod ar 2 Mai, am newid ffocws yn y tîm Addysg a fyddai'n golygu sefydlu senedd ieuenctid neu ddull tebyg yn ystod canol 2014. Byddai hyn yn cael ei ariannu'n bennaf o gyllidebau Gwasanaethau'r Cynulliad ac felly gellir tynnu'r costau dangosol ar gyfer gweithredu senedd ieuenctid o'r rhagolwg prosiect buddsoddi.
- 6.0 Adroddiad Misol ar Reoli Cyllid
- 6.1 Yn dilyn addasiadau diwedd blwyddyn pellach, roedd yr adroddiad interim ar gyfer blwyddyn ariannol 2012-13 yn disgwyl dangos llai nag 1% o danwariant o gyllideb Gwasanaethau'r Cynulliad. Dylai'r adroddiad terfynol heb ei archwilio fod ar gael cyn diwedd mis Mai.
- 6.2 Nododd y Bwrdd fod y canlyniad yn well na'r targed corfforaethol o lai na 2% o danwariant ac y cafodd ei gyflawni drwy well rhagolygon, a oedd yn golygu bod mwy o amser ar gael i gynllunio arian at ddibenion buddsoddi. Hefyd, roedd y Bwrdd Buddsoddi wedi gwella'r gwaith o reoli cyllidebau ar gyfer prosiectau sawl blwyddyn lle roedd angen ariannu fesul cam. Cymeradwyodd y Bwrdd waith y Rheolwyr Cyllideb a'u Cydlynwyr Cyllid, SROs a Rheolwyr Prosiectau.

6.3 Roedd addasiadau terfynol i sefyllfa diwedd y flwyddyn yn cael eu casglu gan Wasanaethau. Cafodd y rhagolygon actiwaraid ar gyfer cynllun Pensiwn Aelodau eu cadarnhau yn gywir, a oedd yn golygu na fyddai angen cronfa wrth gefn o gyllideb Gwasanaethau'r Cynulliad.

6.4 Cam i'w gymryd: Bydd Steven O'Donoghue yn ystyried a ellir codi'r mater o gario cronfeydd wrth gefn drosodd o dan Gomisiwn Silk.

7.0 Y Gwasanaethau Cyfreithiol

7.1 Cyflwynodd Elisabeth Jones strategaeth ddrafft Cyfarwyddiaeth y Gwasanaethau Cyfreithiol ar gyfer gweddill y Pedwerydd Cynulliad a gwahoddwyd y Bwrdd Rheoli i roi sylwadau ar y ddogfen. Byddai'r strategaeth yn cael ei chyflwyno i gyfarfod y Comisiwn ar 6 Mehefin. Nod y ddogfen oedd galluogi'r Comisiwn i archwilio'r maes gwaith hwn a darparu cyfeiriad strategol i helpu i lunio'r gwasanaeth.

7.2 Cam i'w gymryd: Byddai fersiwn derfynol yn cael ei hailddosbarthu i'r Bwrdd Rheoli ac i Rhodri Glyn Thomas, gan ystyried y cyfraniadau a ddaw i law.

Cloi'r cyfarfod

8.0 Unrhyw fater arall

8.1 Byddai'r rhaglen waith ar yr Ystâd yn dechrau yn ystod tymor yr haf. Gofynnwyd i'r Bwrdd Rheoli ddarparu enw cyswllt ym mhob un o'u meysydd.

8.2 Mae'r ymgynghoriad staff ar y Cynllun Ieithoedd Swyddogol yn dod i ben ar 16 Mai a gofynnwyd i'r Bwrdd Rheoli annog staff i gyfrannu ato. Ar ôl i'r ymgynghoriad ddod i ben, bydd y Cynllun yn mynd at y Comisiwn ym mis Mehefin ac yn cael ei gyflwyno yn y Cyfarfod Llawn ar 17 Gorffennaf.

8.3 Cynhelir cyfarfod nesaf y Bwrdd Rheoli ar 23 Mai.